



Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
**Općinsko vijeće**

Na osnovu člana 68. stav 2. Zakona o vodama ("Službene novine Federacije Bosne i Hercegovine", broj 70/06) i člana 40. Stav 2. Zakona o vodama (Službene novine ZE-DO kantona, broj 17/2007), člana 13. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije Bosne i Hercegovine", broj: 88/12) i člana 19. tačka 2. Statuta Općine Breza – Prečišćeni tekst („Službeni glasnik Općine Breza“, broj 8/09), Općinsko vijeće Breza na sjednici, održanoj dana 31.07.2014. godine, donosi:

## **ODLUKU o zaštiti izvorišta vode za piće Dadjevac**

### I - Opće odredbe

#### Član 1.

Ovom odlukom utvrđuju se: tačan naziv i lokacija izvorišta, zone sanitarne zaštite, opis granica, sanitarni i drugi uslovi provođenja ljudskih aktivnosti u pojedinim zonama zaštite uz opis mjera zaštite, zabrana ili ograničenja, naziv nadležnog organa i pravnog lica zaduženog za provođenje Odluke o zaštiti izvorišta, nadzor nad provođenjem režima zaštite i zaštitnih mjera, monitoring kvaliteta i kvantiteta vode na izvorištu, izvori i način finansiranja provođenja zaštitnih mjera za planski period, rokovi za primjenu pojedinih mjera, nadzor i kaznene odredbe.

#### Član 2.

Određivanje zona sanitarne zaštite izvorišta i propisivanje mjera zaštite u zaštitnim zonama izvršeno je na osnovu provedenih istražnih radova i stručnog Elaborata zaštite izvorišta koji je uradila firma „IBIS“ d.o.o Zavidovići.

#### Član 3.

Utvrđivanje zona sanitarne zaštite i zaštitnih mjera vrši se u cilju zaštite voda izvorišta od svih vidova zagađenja i štetnih uticaja koji mogu nepovoljno djelovati na higijensku ispravnost vode za piće ili na izdašnost izvorišta.

#### Član 4.

Urbanističko uređenje prostora, građenje, privredne, poljoprivredne i druge djelatnosti mogu se vršiti samo na način i u mjeri u kojoj su utvrđeni ovom odlukom.

Privredna društva, federalni, kantonalni i općinski organi uprave, druga pravna lica i građani dužni su pridržavati se odredbi ove odluke i primjenjivati propisane mjere zaštite.

## II - Tačan naziv i lokacija izvorišta

## Član 5.

Naziv izvorišta je „Izvorište podzemne vode u kraškim akviferima Dadjevac“ (u daljem tekstu: izvorište), sa kojeg se zahvata voda za javno vodosnadbijevanje stanovništva naseljenih mjesta Trtorići i Opreč.

Izvorište se nalazi u rejonu Guščad na koti 778,87, na k.č. broj 965/1, sa koordinatama X=6 525 254, Y=4 877 575 i Z = 778,87

## III - Zone sanitarne zaštite

## Član 6.

U skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnadbijevanje stanovništva („Službene novine FBiH“, br. 88/12), izvorište „Dadjevac“ spada u grupu izvorišta podzemne vode u kraškim akviferima.

Broj, veličina i granice zaštitnih zona utvrđen je Elaboratom zaštite izvorišta na osnovu analize rizika o specifičnoj osjetljivosti izvorišta u odnosu na ljudske aktivnosti koje se odvijaju ili planiraju da se odvijaju u slivu izvorišta, a koje mogu direktno ili indirektno ugroziti izdašnost i/ili kvalitet vode na izvorištu.

## Član 7.

Za zaštitu izvorišta utvrđuju se tri zone sanitarne zaštite i to:

1. I zaštitna zona kao zona sa najstrožijim zabranama i ograničenjima;
2. II zaštitna zona kao zona sa strogim zabranama i ograničenjima;
3. III zaštitna zona kao zona sa umjerenim zabranama i ograničenjima

## IV – Opis granica zona sanitarne zaštite

a) Prva zaštitna zona – zona sa najstrožijim zabranama i ograničenjima

## Član 8.

Područje I zaštitne zone izvorišta obuhvata prostor oko vodozahvatnih objekata, kojim se vodozahvatni objekti štite od slučajnog ili namjernog zagađenja ili oštećenja.

Ukupna površina I zaštitne zone oko izvorišta iznosi 528 m<sup>2</sup>, a obim 92 m.

Granica I zaštitne zone proteže se na udaljenosti 10 m od vanjskih ivica vodozahvatnog objekta na sve četiri strane, obzirom da ne postoji mogućnost direktnog površinskog zagađenja izvorišta na neposrednom lokalitetu zahvata.

## Član 9.

Područje I zaštitne zone oko vodozahvatnog objekta izvorišta, nalazi se na području Općine Breza, na k.č. br. 965/1 KO Slivno (novi premjer), a kao posjednik vodi se Dr.sv. Šipad Jahorina Sarajevo OOUR Šumarstvo.

Općina Breza će u skladu sa važećim propisima o eksproprijaciji regulisati pitanje imovinsko-pravnih odnosa na području I zaštitne zone. Član 10.

Na području I zaštitne zone nalazi se Kaptažni objekat izvorišta iz koga se voda gravitaciono transportuje do R1/PS1.

Na objektu iz tačke 1. ovoga člana nalaze se pripadajuće armature i druga pripadajuća oprema.

Pored objekta iz stava 1. ovoga člana, na području I zaštitne zone mogu se, uz primjenu propisanih mjera zaštite, graditi ili nalaziti i drugi vodni objekti, kao što su

vodozahvatni objekti, rezervoari, pumpne stanice, trafo-stanice, prilazni i unutrašnji putevi i drugi objekti koji su neophodni za rad sistema za vodosnabdijevanje.

#### Član 11.

Područje I zaštitne zone mora biti zaštićeno od neovlaštenog pristupa ogradom, ne nižom od dva (2) m koja se postavlja na udaljenosti ne manjoj od 10 m od vanjskih ivica vodozahvatnog objekta na sve četiri strane, kao i drugim potrebnim mjerama fizičke zaštite i osiguranja.

Ograda iz prethodnog stava ovoga člana mora biti izvedena na način da spriječi neovlašteni ili nasilni ulazak na područje I zaštitne zone.

#### Član 12.

Pristup na područje I zaštitne zone dozvoljen je samo ovlaštenim osobama, što uključuje zaposlenike operatera koji stalno ili povremeno rade na objektima unutar ove zone i nadležnim inspeksijskim organima u toku vršenja redovnih ili vanrednih kontrola ove zone, kao i drugim licima uz posebno odobrenje operatera

#### b) II Zaštitna zona - zona strogog režima zaštite

#### Član 13.

Područje II zaštitne zone obuhvata prostor od granice I zaštitne zone iz člana 8. ove Odluke do vanjske granice II zaštitne zone.

Vanjska granica II zaštitne zone izvorišta "Dadjevac" počinje uz potok Guščad sjeveroistočno od **A** (X=6 525 143, Y=4 877 849), i ide potokom do tačke **A<sub>1</sub>** (X=6 525 377, Y=4 877 637), odakle povija na jug-jugistok do tačke **A<sub>2</sub>** (X=6 525 401, Y=4 877 370). Dalje se granica pruža i ide blago jugozapadno do tačke **A<sub>3</sub>** (X=6 525 348, Y=4 877 247), skreće zapadno do tačke **A<sub>4</sub>** (X=6 525 184, Y=4 877 249), skreće sjeverozapadno do tačke **A<sub>5</sub>** (X=6 524 993, Y=4 877 584), i vraća se u polaznu tačku **A** (X=6 525 143, Y=4 877 849)

Ukupna površina II zaštitne zone iznosi 0,157 km<sup>2</sup>, dok je obim ovoga područja 1,57 km.

#### c) III Zaštitna zona – zona ograničenog režima zaštite

#### Član 14.

Područje III zaštitne zone (zona ograničenog režima zaštite) izvorišta "Dadjevac" obuhvata prostor od vanjske granice II zaštitne zone do vanjskih granice III zaštitne zone predstavljenih prostornim tačkama poligona **A**, **A<sub>1</sub>**, **A<sub>2</sub>**, **A<sub>3</sub>**, **A<sub>4</sub>** i **A<sub>5</sub>**.

Unutrašnja granica III zaštitne zone je definisana vanjskom granicom II zaštitne zone. Područje III zaštitne zone izvorišta Dadjevac obuhvata prostor, čija vanjska granica počinje od tačke **A** (X=6 525 143, Y=4 877 849), koja predstavlja zajedničku tačku II i III zaštitne zone i nalazi se s lijeve strane potoka Guščad u pravcu njegovog toka. Odatle se granica pruža do trigonometra 748, tačke **B** sa koordinatama X=6 525 438, Y=4 877 692, i ide uz potok do tačke **C** (X=6 525 477, Y=4 877 367), i nastavlja uz potok do tačke **D** (X=6 525 672, Y=4 877 025), ide zapadno do tačke **E** (X=6 525 380, Y=4 876 780), i zatim nastavlja zapadno u pravcu trigonometra 978 do tačke **F** (X=6 524 773, Y=4 876 780). Iz tačke **F** vanjska granica III zaštitne zone izvorišta Dadjevac ide u pravcu sela Trtorići, lokalitet Bašće do tačke **G** (X=6 524 124, Y=4 877 421) i skreće blago sjeveristočno do tačke **H** (X=6 524 392, Y=4 877 000) i završava u početnoj tački **A** koja predstavlja zajedničku tačku II i III zaštitne zone.

Ukupna površina III zaštitne zone iznosi 1,295 km<sup>2</sup>, dok je obim ovoga područja 4,14 km.

Projektom zaštite izvorišta predviđena je mogućnost proširenja treće zone sanitarne zaštite na područje općine Vareš, naselje Neprivaj, koji je u grafičkom prilogu obilježen

tačkama od H1 do H5 u slučaju da dođe do devastacije ovog područja.

Odluku o proširenju zone iz prethodnog stava donijet će nadležni organ iz člana 40. Zakona o vodama Zeničko-dobojskog kantona.

V - Sanitarni i drugi uslovi provođenja ljudskih aktivnosti  
u pojedinim zonama zaštite uz opis mjera zaštite, zabrana ili ograničenja

#### Član 15.

Na području I zaštitne zone izvorišta, zabranjuju se sve aktivnosti koje nisu u direktnoj vezi sa normalnim radom i održavanjem vodozahvatnog objekta. Aktivnosti koje se provode u cilju normalnog rada i održavanja vodozahvatnog objekta ne smiju štetno djelovati na izvorište.

Popis aktivnosti i nivo ograničenja njihove primjene za ovu zaštitnu zonu utvrđen je u Prilogu 1. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva.

Izuzetno od odredaba iz stava 1. ovog člana, **operator je** dužan da zemljište u I zaštitnoj zoni zasije travom i rastinjem plitkog i vezanog korijenja, pri čemu je najstrožije zabranjena upotreba prirodnog ili vještačkog đubriva, hemijskih sredstava za zaštitu bilja, kao i drugih agrotehničkih sredstava.

#### Član 16.

Na području II zaštitne zone izvorišta, zabranjuju se sve aktivnosti koje nisu u direktnoj vezi sa normalnim radom i održavanjem vodozahvatnih objekata.

Aktivnosti koje se provode u cilju normalnog rada i održavanja vodozahvatnih objekata ne smiju štetno djelovati na izvorište.

Popis aktivnosti i nivo ograničenja njihove primjene za ovu zaštitnu zonu utvrđen je Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva Prilog 1.

#### Član 17.

Na području III zaštitne zone izvorišta zabranjeno je izvođenje radova, izgradnja objekata i obavljanje svih drugih aktivnosti koje su u suprotnosti sa aktivnostima iz Popisa aktivnosti i nivoa ograničenja njihove primjene za ovu zaštitnu zonu utvrđenih Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva Prilog 1.

VI – Nadležni organi zaduženi za provođenje Odluke o zaštiti izvorišta

#### Član 18.

Operator vodovodnog sistema odgovoran je za provođenje svih zaštitnih mjera propisanih ovom Odlukom na području I zaštitne zone.

Operator sistema je dužan da na odgovarajući način obilježi I zaštitnu zonu, što naročito uključuje naziv izvorišta i zaštitne zone, naziv operatera, broj dežurnog telefona za hitne slučajeve i upozorenje o zabrani neovlaštenog pristupa.

Operator sistema odredit će se vodnom dozvolom.

#### Član 19.

Federacija BiH, Kanton i Općina Breza odgovorni su za provođenje zaštitnih mjera na području II i III zaštitne zone, svako u okviru svojih nadležnosti.

## VII – Izvori i način finansiranja

## Član 20.

Sredstva potrebna za finansiranje provođenja ove odluke se obezbjeđuju i planiraju budžetom operatora.

## VIII - Nadzor nad provođenjem ove odluke

## Član 21.

Upravni nadzor nad provođenjem ove odluke vrši Općina Breza u skladu sa odredbama Zakona o vodama Ze-do kantona.

## Član 22.

Inspeksijski nadzor nad provođenjem ove odluke, odnosno nad sprovođenjem režima i mjera zaštite propisanih ovom odlukom vrše nadležni kantonalni i općinski inspeksijski organi u skladu sa važećim propisima.

## IX - Kaznene odredbe

## Član 23.

Novčanom kaznom od 1.000 do 5.000 KM kazniće se za prekršaj pravno lice:

1. ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 15. 16. 17., ove odluke;
2. ako ne postupi u skladu sa čl. 18. i člana 26. st. 3. ove odluke;
3. ako ne izvrši ili neblagovremeno izvrši radnje iz čl. 26. st. 1. i 2. i člana 27. ove odluke;

Za prekršaj iz stava 1. ovoga člana kaznit će se i odgovorno lice u pravnom licu novčanom kaznom u iznosu od 300 do 1.000 KM.

## Član 24.

Novčanom kaznom od 100 do 500 KM kaznit će se za prekršaj fizičko lice ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 15.,16. i 17. ove Odluke.

## X - Prelazne i završne odredbe

## Član 25.

Sastavni dio ove odluke je grafički prilog (Situacija MJ=1:10000) sa ucrtanim granicama zaštitnih zona.

## Član 26.

Na području I, II i III zaštitne zone izvršit će se uređenje prostora i provođenje zaštitnih mjera u skladu sa ovom odlukom i projektom zaštite u roku od dvije godine od dana njenog donošenja.

Nadležni organi dužni su izvršiti radnje iz člana 9. stav 2. ove odluke u roku od šest mjeseci od dana njenog donošenja.

**Operator sistema** dužan je izvršiti radnje iz čl. 18. st. 1. i 2. ove odluke u roku od šest mjeseci od dana njenog donošenja.

## Član 27.

Donosioci planskih dokumenata (vodoprivredna osnova, šumsko-privredna osnova) dužni su iste uskladiti sa odredbama ove odluke u roku od 12 mjeseci od dana njenog donošenja.

## Član 28.

Ova odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1990/14  
Breza, 31.07.2014. godine

PREDSJEDAVAJUĆI  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
**Općinsko vijeće**

Na osnovu člana 13.stav 2. alineja 4. Zakona o principima lokalne samouprave ("Službene novine FBiH", broj 49/2006), i člana 115.stav 2. Statua Općine Breza ("Službeni glasnik Općine Breza", broj 8/09 - Prečišćeni tekst), Općinsko vijeće Breza na sjednici održanoj dana 31.07.2014. godine, donosi:

**O D L U K A****o naknadama za zauzimanje javne površine na "Bazenijadi 2014"****I**

Ovom odlukom utvrđuje se iznos naknade za zauzimanje javne površine i zelenih površina (u daljem tekstu: javne površine) radi obavljanja djelatnosti, pružanja usluga i prezentacija proizvoda na privredno-sportskoj, kulturno-zabavnoj manifestaciji pod nazivom "Bazenijada 2014", koja će se održati u periodu od 15.08.2014. do 22.08.2014.godine.

**II**

Naknade se utvrđuju u iznosima kako slijedi:

1. Za zauzimanje javne površine (trotoara u ulici Alije Izetbegovića) s desne strane u pravcu Vareša, od skretanja u Kino do ulaza u privatnu apoteku "MGM", korisnici plaćaju 16,00 KM po 1 dužnom metru dnevno, od ulaza u privatnu apoteku "MGM" do prvog skretanja na Bazen 13,00 KM po 1 dužnom metru dnevno, a od prvog skretanja na Bazen do skretanja za Dom zdravlja Breza 11,00 KM dnevno po 1 dužnom metru.

Ovaj prostor je namijenjen za trgovinu tekstilnom robom, obućom, posuđem i priborom.

Lijeva strana ove ulice (trotoar) u pravcu Vareša do prvog skretanja u Trokuće, korisnici plaćaju 13,00 KM po 1 dužnom metru dnevno, a 11,00 KM dnevno po 1 dužnom metru od prvog skretanja za Trokuće do skvera iza zgrade tzv "Albanija".

Ovaj prostor je namijenjen za pružanje ugostiteljskih i trgovačkih usluga.

Prednost kod zauzimanja javnih površina imaju vlasnici, odnosno korisnici poslovnih i stambenih objekata na određenom lokalitetu.

2. Za zauzimanje javnih površina:

- za ugostitelje 4,00 KM dnevno po 1 m<sup>2</sup>,

3. Za zauzimanje javne površine za vršenje usluga pečenja i prodaje mesa 65,00 KM dnevno do 4 m<sup>2</sup> površine.

4. Za zauzimanje javne površine na lokaciji od "Ekmasana" do Taxi stajališta korisnici plaćaju 13,00 KM po 1 dužnom metru dnevno.

5. Za zauzimanje javne površine na lokaciji od skretanja u Kino do buregdžinice korisnici plaćaju 12,00 KM po 1 dužnom metru dnevno.
6. Za postavljanje ringišpila na platou pijace 230,00 KM dnevno, a za mali ringišpil 60,00 KM dnevno.
7. Za postavljanje ringišpila na ostalim lokacijama 100,00 KM dnevno.
8. Za postavljanje autodroma, balerina, vozića i sličnih zabavnih sadržaja do 20 m<sup>2</sup> površine korisnici plaćaju iznos od 65,00 KM dnevno.
9. Za korištenje javne površine-staza u parkovima i drugim lokacijama za autiće na akumulatore korisnik plaća iznos od 65,00 KM dnevno.
10. Za zauzimanje javne površine za vršenje ugostiteljskih usluga bez stolova kao što su prodaja čvapa, prodaja kokica, pomfrita, kuhanih i pečenih kukuruza, šećerne vate, sladoleda I sl. korisnici plaćaju iznos od 13,00 KM po 1 metru dužnom dnevno.
11. Za zauzimanje javne površine za postavljanje cirkuske šatre naknada se utvrđuje neposrednom pogodbom u zavisnosti od veličine površine I lokacije koju zauzima.
12. Lokacija za promociju domaće proizvodnje - besplatno u parku.

### III

U cijenu naknade za korištenje javnih površina nije uračunata naknada za korištenje električne energije.

### IV

Uplate se vrše od 01.08. do 15.08.2014.godine.

### V

Uplate za zauzimanje javne površine za jedan dan, odnosno pojedinačno po danima mogu se izvršiti tek od 15.08.2014. godine uz 50% povećanja za svaku lokaciju.

### VI

Ova Odluka stupa na snagu danom donošenja a za njenu realizaciju zadužuje se Organizacioni odbor i uposlenici organa uprave Općine Breza.

### VII

Sva sredstva prikupljena po osnovu uplata naknada za zauzimanje javne površine I drugih usluga uplatit će se na žiro račun Općine Breza.

### VIII

Po okončanju "Bazenijade 2014" Organizacioni odbor se obavezuje finansijski izvještaj o ostvarenim prihodima i rashodima podnijeti Općinskom vijeću Općine Breza na prvoj narednoj sjednici Općinskog vijeća.

### IX

Ova Odluka stupa na snagu danom objavljivanja u Službenom glasniku Općine Breza, a primjenjivaće se za vrijeme trajanja "Bazenijade 2014"

Broj: 01/1-02-2049/14  
Breza, 31.07.2014. godine

PREDSJEDAVAJUĆI:  
Općinskog vijeća  
Miro Vrljičak, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-1991/13  
Breza, 31.07.2014.godine

Na osnovu člana 80. Poslovnika o radu Općinskog vijeća Breza ("Službeni glasnik Općine Breza", broj: 3/11-Prečišćeni tekst ), Općinsko vijeće na sjednici održanoj 31.07.2014. godine, donosi:

## ZAKLJUČAK

### I

1. Općinsko vijeće Breza najoštrije osuđuje napade na civile i izazivanje humanitarne katastrofe u pojasu Gaze, a koje čini Izraelska vojska i poziva sukobljene strane da hitno prestanu sa sukobima

### II

Zaključak objaviti u „Službenom glasniku Općine Breza“.

DOSTAVLJENO:

1x Sredstva informisanja,  
1x 01/1,  
1x a/a

PREDSJEDAVAJUĆI

Općinskog vijeća  
Miro Vrljičak,s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-1978/14  
Breza, 31.07.2014.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Izvještaja o radu JU Dom zdravlja Breza za 2013.godinu, Općinsko vijeće Breza na sjednici održanoj dana 31.07.2014. godine, donosi

## ZAKLJUČAK

### I

**USVAJA SE** Izvještaj o radu Javne ustanove Dom zdravlja Breza za 2013. godinu.

### II

Zaključak objaviti u „Službenom glasniku Općine Breza“.

Dostavljeno:

1x JU Dom zdravlja Breza,  
1x Predsjednik UO Dom zdravlja Breza,  
1x 01/1,  
1x a/a

PREDSJEDAVAJUĆI

Općinskog vijeća  
Miro Vrljičak,s.r.



Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće  
Broj: 01/1-02-1969/14  
Breza, 31.07.2014godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Izvještaja o radu građevinskog inspektora Općine Breza za period 01.01.2014. do 30.06.2014.godine, Općinsko vijeće Breza na sjednici održanoj dana 31.07.2014. godine, donosi:

## ZAKLJUČAK

### I

**USVAJA SE** Izvještaj o radu građevinskog inspektora Općine Breza za period 01.01.2014. do 30.06.2014.godine.

### II

Zaključak objaviti u „Službenom glasniku Općine Breza“.

Dostavljeno:  
1x Inspektor,  
1x 01/1,  
1x a/a  
1x 01/1,

PREDSJEDAVAJUĆI  
Općinskog vijeća  
Miro Vrljičak,s.r.

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće  
Broj: 01/1-02-1962/14  
Breza, 31.07.2014godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Izvještaja o zimskom održavanju lokalnih puteva u sezoni 2013/14, godine, Općinsko vijeće Breza na sjednici održanoj dana 31.07.2014. godine, donosi:

## ZAKLJUČAK

### I

**USVAJA SE** Izvještaj o zimskom održavanju lokalnih puteva u sezoni 2013/14 godine.

### II

Zaključak objaviti u „Službenom glasniku Općine Breza“.

Dostavljeno:  
1x Slučba CZ,  
1x 01/1,  
1x a/a

PREDSJEDAVAJUĆI  
Općinskog vijeća  
Miro Vrljičak,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-1992/14  
Breza, 31.07.2014.godine

Na osnovu člana 22. tačka 4. Zakona o lokalnoj samoupravi Zeničko –dobojskog kantona („Službene novine Ze-do kantona , broj 13/98 i 8/2000) i člana 19. tačka 17. Statuta Općine Breza („Službeni glasnik Općine Breza“, broj 8/09 - prečišćeni tekst) Općinsko vijeće Breza na sjednici održanoj 31.07.2014. godine, d o n o s i

## **R J E Š E N J E**

### **o razrješenju predsjednika i članova Komisije za javnu prodaju nepokretnosti u državnoj svojini**

#### **I**

Razrješavaju se dužnosti predsjednik i članovi Komisije za javnu prodaju nepokretnosti u državnoj svojini:

1. Begić Sabit, predsjednik,
2. Mušić Zijad, zamjenik predsjednika,
3. Mlivić Osman, član,
4. Hodović Amer, član,
5. Salkić Alija, član,
6. Kovač Nedžad, zamjenik člana.

#### **II**

Razrješenje predsjednika i članova Komisije vrši se zbog izmjene zakonske regulative

#### **III**

Rješenje objaviti u „Službenom glasniku Općine Breza“.

DOSTAVLJENO:  
5x Članovima komisije,  
1x 01/1,  
1x a/a.

**PREDSJEDAVAJUĆI**  
Općinskog vijeća  
Miro Vrljičak,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-1992/14  
Breza, 31.07.2014.godine

Na osnovu člana 22. tačka 4. Zakona o lokalnoj samouprave Zeničko-dobojskog kantona („Službene novine Ze-do kantona, broj 13/98 i 8/02) i člana 19. tačka 17. Statuta Općine Breza („Službeni glasnik Općine Breza“, broj 8/09 - prečišćeni tekst) Općinsko vijeće Breza na sjednici održanoj 31.07.2014. godine, donosi:

**R J E Š E N J E****o razrješenju predsjednika i članova Komisije za provođenje konkursa za dodjelu neizgrađenog građevinskog zemljišta****I**

Razrješavaju se dužnosti predsjednik i članovi Komisije za za provođenje konkursa za dodjelu neizgrađenog građevinskog zemljišta:

1. Telalović Elmedin, predsjednik,
2. Avdukić Edžnan, član,
3. Muratović Sead, član,
4. Kovač Samra, član,
5. Muratović Namik, član.

**II**

Razrješenje predsjednika i članova Komisije vrši se zbog izmjene zakonske regulative

**III**

Rješenje objaviti u „Službenom glasniku Općine Breza“.

DOSTAVLJENO:  
5x Članovima komisije,  
1x 01/1,  
1x a/a.

PREDSJEDAVAJUĆI  
Općinskog vijeća  
Miro Vrljićak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-1992/14  
Breza, 31.07.2014. godine

Na osnovu člana 19. tačka 17. Statuta Općine Breza („Službeni glasnik Općine Breza“, broj 8/09 – Prečišćeni tekst) člana 3. stav c. Pravilnika o postupku javnog konkursa za raspolaganje nekretninama u vlasništvu Federacije Bosne i hercegovine, kantona, općina i Gradaova („ Službene novine FBiH“, broj 1714 , Općinsko vijeće Breza na sjednici održanoj 31.07.2014. godine, donosi:

**R J E Š E N J E****o imenovanju Komisije za sprovođenje javnog nadmetanja za prodaju nekretnina u vlasništvu Općine Breza****I**

U Komisiju za sprovođenje javnog nadmetanja za prodaju nekretnina u vlasništvu Općine Breza, imenuju se:

- |                                      |  |
|--------------------------------------|--|
| 1.Salkić Ejub, predsjednik komisije, | Hrustanović Lejla, zamjenik predsjednika |
| 2.Čosić Adi, član,                   | Čolan Dženan, zamjenik                   |
| 3.Bulbulušić Ermina, član,           | Dervišević Almir, zamjenik               |

**II**

Rješenje objaviti u „Službenom glasniku Općine Breza“.

DOSTAVLJENO:

1x Članovima komisije od 1-3,  
1x 01/1,

PREDSJEDAVAJUĆI

Općinskog vijeća  
Miro Vrljičak,s.r.

---

---

**S A D R Ź A J**

- 105. Odluka o zaštiti izvorišta vode za piće Dadjevac.
- 110. Odluka o naknadama za zauzimanje javne površine na „Bazenijadi 2014“ .
- 112. Zaključak da Općinsko vijeće najoštrije osuđuje napade na civile i izazivanje humanitarne katastrofe u pojasu Gaze
- 112. Zaključak o usvajanju Izvještaja o radu Javne ustanove Dom zdravlja Breza za 2013.godinu.
- 113. Zaključak o usvajanju Izvještaja o radu građevinskog inspektora Općine Breza za period od 01.01.2014. do 30.06.2014. godine
- 113. Zaključak o usvajanju Izvještaja o zimskom održavanju lokalnih puteva u sezoni 2013/2014 godina
- 114. Rješenje o razrješenju predsjednika i članova Komisije za javnu prodaju nepokretnosti u državnoj svojini
- 115. Rješenje o razrješenju predsjednika i članova Komisije za provođenje konkursa za dodjelu neizgrađenog građevinskog zemljiš
- 116. Rješenje o imenovanju Komisije za sprovođenje javnog nadmetanja za prodaji nekretnina u vlasništvu Općine Breza.

